

Styremøte i Norsk medieforskarlag (NML)

Referat 12. september 2017

Skype-møte, kl. 14-15

Til stades: Lisbeth Morlandstø (leiar), Lin Prøitz, Tine Eide, Anne Mette Bjørgen (vara), Balder Holm (observatør, Nordicom) og Terje Skjerdal (ref)

Forfall: Magnus Hoem Iversen og Marika Lüders

1. Innkalling

Godkjend utan merknader.

2. Referat frå styremøte 9. mai og 13. juni 2017

Godkjent med korrigeringsdato for det siste møtet (13. juni istf 13. juli). Det siste møtet skjedde på epost.

3. Orienteringar

- **Generalforsamling i Tampere 18. august 2017 (i samband med NordMedia):** Frå styret møtte Lisbeth Morlandstø og Tine Eide. Nye styremedlemmer vart valde: Marika Lüders (fast, UiO), Roswitha Skare (vara, UiT), Anne Mette Bjørgen (vara, INN) og Christer Bakke Andersen (vara, NTNU). Det nye styret består no av: Lisbeth Morlandstø, Lin Prøitz, Tine Eide, Magnus Hoem Iversen, Balder Holm, Marika Lüders og Terje Skjerdal (faste); Anne Mette Bjørgen, Roswitha Skare og Christer Bakke Andersen (vara). (Tine Eide går ut i fødselspermisjon 5. oktober 2017 til 26. mai 2018. Anne Mette Bjørgen går inn som fast representant i perioden.) Viser elles til eige referat frå generalforsamlinga.
- **Ny betalingsordning frå Universitetsforlaget:** Er undervegs (som ein følge av open tilgang/open access). Vil ikkje få konsekvensar for medlemskontingenten.

4. Heimesida (www.medieforskerlaget.no) og oppgåver til nettassistenten

Nettassistenten (Christine Mæland) er i gang med oppdatering av heimesida. Styrereferata mellom 2015 og 2017 har falle ut. Lin tek kontakt med henne mtp å yta støtte. Dei ulike forskarmiljøa bør presenterast på nettsida. Styret føreslår å byrja med institusjonane som er representerte i styret. Nyheiter frå nyheitsbrevet bør liggja i nyheitsspalta. Fungerer MailChimp godt nok til nyheitsbrevet? Tungvint dersom medlemene må registrera seg (dei fleste vil i praksis kanskje ikkje gjera det). Lin drøftar desse sakene med Christine.

5. Ny nettassistent

Christine Mæland (student, UiB) er tilsett frå 1. august. Sjå sak 4.

6. Oppgaver til nettassistenten

Sjå sak 4.

7. Norsk medieforskarkonferanse i Bodø 18.-19. oktober 2018

Den lokale komiteen foreslår hovudtema «Mangfald og fragmentering i det nye medielandskapet» e.l. Vil bruka konferansen til presentasjon av lokal studie innanfor dette området, jf slik det vart gjort i Bergen 2016. Truleg òg hovudinnleiing om sosiale medium. Dessutan er det 20 år sidan Bodø sist arrangerte medieforskarkonferansen (1998). Den gongen var hovudtemaet «Vald og sex i media». Komiteen arbeider med å finna ein person som kan innleia om dette temaet i lys av utviklinga dei siste 20 åra. Styret gav innspel til namn på hovudinnleiarar.

8. Møteplan

10. okt 2017
7. nov 2017
16. jan 2018
13. feb 2018
13. mars 2018
10. april 2018
8. mai 2018 – fysisk møte i Bodø
12. juni 2018

Alle møta skjer kl. 14-15 (med unntak av det fysiske møtet i Bodø) – på Skype.

9. Eventuelt

Ingen saker.

Terje Skjerdal (ref)